



KOMUNIKADO PA PRENSA

Fecha

17 di yüli 2015

Accountmanager

Jhanirha Da Costa Gomez

Adrès elektróniko

jhanirha.anita@gobiernu.cw

Durante di konferensha di prensa Minister Camelia-Römer ta indiká
**Ta bai tuma diferente medida di infrastruktura pa hasi tráfiko mas
sigur riba tèrmino kòrtiku**

Willemstad – Minister Camelia-Römer enkargá ku Tráfiko, Transporte i Planifikashon Urbano ta informá ku ta trahando riba tráfiko sigur riba tèrmino kòrtiku i mas largu.

E kamindanan ku ta bai haña prioridat ta basá riba un lista di e kayanan mas peligroso na Kòrsou, esta, Helmin Wiels Boulevard, Sta. Rosaweg, Rooseveltweg, Gosieweg, Caracasbaaiweg, Winston Churchillweg, Weg naar westpunt, Kaya Mata Siguaraya (na St. Michiel) i Kaya Bakatòr (na Mahuma). Kortijnweg tambe ta bai haña atenshon spesial a base di e situashon na Otrobanda ku e trabounan di un Hospital Nobo a krea.

Ministerio di Tráfiko, Transporte i Planifikashon Urbano a pèrkurá pa buska un eksperto hóben riba e materia di tráfiko. Sr. Lernnerth Angela a risibí e enkargo pa analisá e kayanan ya menshoná i ya a proponé e medidanan nesesario pa riba tèrmino kòrtiku halsa e seguridat riba e kayanan aki.

Ta bai kuminsá tuma pasonan pa hasi e kaya Helmin Wiels Boulevard mas sigur. Algun di e medidanan ta:

- Ta bai bin ku 2 "gefaseerde" rotònde. Esaki ta nifiká ku e ta temporal i ku despues di un periodo lo aktualis'é i kaba di desaroy'é den un rotònde mas completo. Lo pone un rotònde na e krusada na Yotin Kòrta i e otro na e Krusada Piscaderaweg i Helmin Wiels Boulevard (e otro entrada di e kaya pa yega e hotelnan);
- Ta bai introdusí tambe un "middenberm" (un tipo di asera) temporal ku ta bai ta visibel basta adelantá, pa asina yuda outomobilistanan keda den nan via.

Pa e tèrmino mas largu ta traha riba un plan integral ku ta toka tur e 3 aspektonan di tráfiko sigur, kual ta Ingenieria (infrastruktura), Edukashon i Kontròl di seguridat den tráfiko. Pa por logra yega na e un tráfiko sigur na un manera duradero, mester di sosten i koperashon di tur hende pa atendé esaki na un manera integral. Lo tuma entre 6 pa 12 luna pa yega na e plan total.

Un biaha mas Minister Camelia-Römer ke pone e énfasis ku huntu nos por logra muchu mas.